



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XIV. Venerabilem.

[urn:nbn:de:hbz:466:1-62587](#)

absque culpa sua possidere desit, actione in rem seu vindicatione non condemnatur, sed absoluī debet, *l. Sim autem. 2. §. Possidet. ff. de rei vind.* Ratio est, quia per sententiam condemnari deberet, ut restituat, non potest autem restituere, si non habet, ergo non deberet tali sententiā condemnari.

Excipe 1. Nisi dolo, vel culpa lata, quae dolo æquiparatur, desierit possidere, iuxta *l. Quod si. 22. ff. eodem. l. 1. juncta Gloss. verb culpa. C. depositi & regul. 36. in b. pro possessorē habetur, qui dolo desit possidere, & id ē vili in rem actione seu vindicatione condemnari potest. I. electio. 22. §. Si is quem. ff. Denoxalibus actionibus.*

Potò quod dolo quis desierit possidere, id ab altero probari debet. *l. Quoties. 18. §. Qui dolo. ff. de probationibus*, nisi desierit possidere post litem contestatam, teste *Gloss. hic. verb. dolo*. Imò etiamsi post citationē in certa causa, sicut hic *Abbas docet, & Alexand. n. 4.*

Excipe 2. Quod bona fidei possessor, si pro re vendita pretium accepit, illud domino rei, si illam recuperare non possit; restituere cogatur, quia pretium succedit loco rei, ut colligitur ex *l. Item si. §. Si quis. ff. de rei vind.*

2 His adde 1. Quod qui dolo possidere cepit. v.g. fur, aut raptor, si absque dolo possidere postea desit, restituere compellendus sit. *l. Penultima. ff. de rei vindic.* Vbi dicitur, quod prædo etiam teneatur de fortuito interitu rei, & *l. vlt. ff. De conditione furtina.* Quod ad furem semper spectet, periculum interitus, cum semper in mora sit. Ceterum, si res eodē prorsus modo peritura fuisset apud Dominum, et si ei subrepta non fuisset, quod fur, aut prædo non teneatur ad restitutionem, cum causa damni non fuerit, docui *l. 3. tr. 3. de just. c. 4. n. 2.*

3 Adde 2. Quod erga quemuis detentorē rei, aut commodatarium, conductorem, aut depositarium, vindicatio seu in rem actio Domino competat. *l. Officium. 29. ff. de rei vind.* Sed potest is nominare illum cuius nomine possidet, ut in judicium vocetur, si rem defendere velit. *l. 2. C. ubi in rem actio, & notat Gloss. in cit. l. officium.*

Not. II. Exceptio rei judicatae non competit cessante causa, ob quam sententia lata est. Exemplum habes hic, reus per sententiā absolutus fuit, quia tunc non possidebat; id ē si postea possidere incipiat, non potest se defendere exceptione rei judicatae, quo minus restituat. Item aliquis, qui promiserat sub conditione, se quidpiam daturum, aut in diem certum absolutus fuit, quia conditio non evenit, aut dies nondum advenit, non potest se defendere exceptione latæ sententiæ, postquam dies advenerit, vel conditio evenerit.

C A P I T U L U M X I V.

Venerabilem.

P A R A P H R A S I S.

Archiepiscopus Narbonensis à Iudicibus propter gravamen sibi illatum appellavit ad fidem Apostolicam, impetrans rescriptum super causa appellationis ad alios Iudices. Coram his obiectebatur illi, quod tempore rescripti in excommunicatione fuerit, cuius in rescripto nulla mentio fieret. Hoc non obstante respondit Gregor. IX. Archiepiscopum ad prosequendam appellationem vigore eius rescripti admittendum esse, nam alioquin frustra excommunicatis concessum esset appellare, nisi etiam appellationem prosequi, & super ea rescriptum impetrare possent.

S U M M A R I U M.

1. Concesso uno, censentur concessa ea, sine quibus illud inutile seu inefficax foret.
2. Qui potest in iudicio agere coram Papa, vel alio principe, potest etiam rescriptum impetrare.

Not. vnicum. Si quidpiam alicui concessum sit, censentur etiam ea esse concessa, sine quibus illud inutile seu inefficax foret; exemplum habes hic, cum excommunicato concessum sit à sententia lata appellare, concessum etiam censeri debet, ut appellatione prosequatur, & super causa appellationis rescriptum ad Iudices delegatos impetraret, quia frustranea foret appellatio, nisi eam prosequi liceret.

h h h

Ex-

Excipiendo est; Nisi quis appellat ab ipsa sententia excommunicationis, dicendo, eam esse iniuste illatam: cùm enim ita appellans confiteatur se excommunicatum esse, meritò repellitur à prosequenda appellatio- ne, nisi priùs absolutionē procuret, & impe- tret. cap. *Pertua. 40. de sentent. excommuni- catione*, ne alioquin excommunicationem conteinere videatur.

Porro ex tradita doctrina generalior re- gula inferri potest, quod quicunque in Iudi- cio agere potest coram Papa, aliòve Principe, etiam rescriptū impetrare possit, quare cùm Procurator generalis causam in judicio age- re queat, c. *Qui generaliter s. de Procurat. in 6.* Sequitur quod etiam rescriptum impetrare possit sine speciali mandato, id verò intellige nomine suo; sed vt nomine Domini impe- tret, indiget mandato eius speciali. c. *Non- nulli. 28. §. Sunt & alij. Gloss. verb. sine speciali- de rescript. & ita tradit Abbas. ib. n. 3.*

E O D E M T I T V L O D E EXCEPTIONIBVS IN VI. CAPITVLVM I.

Pia.

PARAPHRASIS.

Piè & rectè in S. Ecclesia statutum fait, vt excommunicationis maioris exceptio in quacunque parte litis opposita, iites diri- mat, & repellat agentes, vt Ecclesiastica censura magis timeatur, communionis periculum vitetur, contumacia reprema- tur, atque excommunicati, dum a comu- nibus actibus excluduntur, rubore suffusi, ad humilitatis & reconciliationis desi- derium inclinentur. Verum quod rectè prouisum suit remedium, per hominum malitiam vertitur in nocumentum; dum enim in Ecclesiasticis causis talis exceptio frequenter per malitiam opponitur, dif- feruntur negotia, & partes laboribus at- que expensis frustra fatigantur, ideoq; æ- quum est, vt huic malo passim invalescet medela adhibeatur, quemadmodum In- noc. IV. in Lugdun. generali Concilio de- creuit, vt si quis excommunicationem a-

licui obiciat, speciem eius, & nomen ex- communicationis exprimere debeat, eámq; rem in publicā Iudicis notitiam deferat, ita vt post eam diem, in qua excommuni- cationē obicit, intra octiduum proximum eam probare teneatur apertissimis docu- mentis, quod si non probauerit, Iudex in causa proceder, & reum in expensis, quas actor interim se fecisse probauerit, pra- missa taxatione condemnabit. Sin autem reus præcedente instatia causæ denuo ex- communicationem obiciat, eámq; probet, actor ylterius admitti non debet, donec absolutus fuerit, quæ tamē antecesserunt acta, firma manebut; quod si verò reus in probanda intra octiduum excommuni- catione defecerit, tertio excipere volens, audiendus non est, præterquā si noua ex- communicationis emerserit, vel evidens, aut ex- pedita probatio antea obiecta excommuni- cationis de novo supervenerit. Cateùm si post latam sententiā exceptio obiecta fuerit, eius executionē impediet, sed ipsa sententia antecedenter in suo robore per- manebit. Verum si actor publicè excom- municatus sit, idq; judex sciat, tum actorē etiā, reo non excipiente, repellere debet;

S V M M A R I V M.

1. Excommunicatus repellitur à judicio vt actor, non autem vt reus.
2. Exceptio excommunicationis Actori, scien- testi, in quacunque litis parte usque ad sententiam obicit potest.
3. Cum excommunicato Actore, Procuratore, Advocate, testo, si vitandi sint, in judicio communicare illicitum est, acta tamen- valent.
4. Si excommunicationis judici obiciatur, pars excipiens, cum recusare potest, tanquam suspectum, nisi sponte in eum consentiat, alinmq; judicem petere, vel ad arbitrios configere.
5. Limitatur & explicatur.

Nota I. Excommunicatus repellitur à Iudicio si sit tanquam actor, oppugnare volens; non item, si sit vt reus, defendere se volens. c. a. c. Inter. c. Exceptionem. hoc tit.

Not